



# Extrait de la revue **Singulars** du 2<sup>ème</sup> trimestre 2014

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

**Rubrique : Textes**

## Si dj' èsto minisse

Edouard RIES  
Wallon de Bertogne

Si, on djoû, dj' èsto minisse  
Dol Dèfanse ou bin, dol Justice,  
Vos viè'rîz come ça tchandjrot  
Èt vos ôrîz çou k' on dirot.

Si dj' èsto minisse dol Dèfanse  
Dji suprimro tos lès camions,  
Lès fuzées, lès tanks, l' aviâcion,  
Tot ça, c' èst bin trop d' dèpanse.  
Lès sôdards n' ârint pus k' dè bastons  
Èt dè cayôs po lancè â lon.  
Dji fro spârgni dè miyârd,  
Ça îrot mî come par azârd,  
On n' payrot pus d' contribuicions,  
Ça rdrèssrot la situâcion.

Si dj' èsto minisse dol Justice,  
Dji rmètro d' l' orde al police :  
Lès djandârmes ènn-îrint tot seûs  
I n' ârint pupont d' camionète  
Ni d' pistolèt, ni d' mitrayète,  
I n' ârint pus k' on vèlo po deûs.  
Lès avocats n' ârint pupont d' ovradge  
Ni d' costume po sbarer lès leûs ;  
I sèrint tortos â chômadje.  
On sèt cand min.me si disfinde tot seû.

Mès dji n' sèrê jamès minisse,  
Dji n' su k' on man'daye come brâmint  
Dj' ol sèt bin, ki l' diâle m' apisse,  
Èt pus, dji su Walon èt nin Flamind.